

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Vacacione, Amissione, Et Extinctione Beneficiarvm ...

**Leuren, Peter**

**Coloniæ Agrippinæ, 1704**

283. An Abbatia & Prioratus resignari possint.

---

[urn:nbn:de:hbz:466:1-74494](#)

## Sectio I. Cap. IV.

142

eorum resignatio sit simpliciter. Paris. n. 60. dicens communem omnium. Porro ob servandum, quod non rat Laym. in c. post translationem. de renunc. n. 1. interdum Episcopum renunciare loco tantum, ac regimini, servato ordine & dignitate Episcopalis; interdum resignare non tantum loco & regimine, sed etiam ordine & dignitate. Etsi, ut Laym. existimat, se conferat ad religionem, præsumendum esse, quod utrique resignare velit, nisi specialiter obtineat à Papa, ut pontificia exerceere possit. Si autem non ingrediatur religionem, plerumque à Papa ei permitti ordinis Episcopalis dignitatem & exercitium, ne alioquin ob crimen depositus videatur.

*Quæstio 283. An Abbatia & Prioratus resignari possit?*

1. R espondeo ad primum affirmativè: Paris. cit. q. 1. n. 63, juxta c. ult. de renunc. & quām plurimos, quos citat. Idque intelligendo de Abbatia tam regulari, quām seculari. Paris. n. 68. Idem est de Abbatisatu; cū & hic certo modo sit beneficium Ecclesiasticum. Paris. n. 71.

2. Respondeo ad secundum quoque affirmativè: Paris. n. 75.

*Quæstio 284. An resignari possint officia Ecclesiastica?*

R espondeo: posse; dum sunt beneficia, nimirum cum administratione rerum Ecclesiasticarum sive præminentia & jurisdictione. Paris. l. 2. q. 1. n. 92. citans Selv. p. 1. c. 8. n. 5. Hojed. de incomp. p. 1. c. 8. n. 3. Hinc resignari possunt thesauraria, Cantoria, Plebania, Sacraria &c. Quia hæc sunt talia officia Ecclesiastica. Paris. loc. cit. à n. 93. ut idem dicit de Scholasteria. n. 127. citans Put. decif. 295. l. 2. quia est beneficium Ecclesiasticum.

*Quæstio 285. An resignari possint beneficia consistorialia?*

1. R espondeo primò: consistorialia resignari non possunt coram Ordinario, cū sint reservata ex reg. 2. Cancell. Paris. l. 2. q. 2. n. 1. & 2. citans Staphil. de lit. gratia & inf. §. dicendum. num. 67.

2. Respondeo secundò: possunt tamen resignari coram Papa in favorem; Paris. ibid. n. 4. dicens communem, & ab omnibus recepm; quamvis eorum provisio per resignationem fieri debeat consistorialiter. Paris. ibid. n. 5. citans Staphil. ubi ante n. 62. dicuntur enim inde consistorialia; quia de iis disponit Papa in Consistorio coram Cardinalibus. Paris. n. 6. ex Maudos. de annal. q. 16. n. 2. Pet. Gregor. Synag. jurist. 15. c. 4. n. 15. &c. quamvis subiungat idem Paris. n. 10. esse aliquæ beneficia, quæ appellantur consistorialia, de quibus de stylo & confuetudine non providetur consistorialiter. Et hæc nihilominus non nisi coram Papa resignari debent, qui de iis providebit extra consistorium. De cetero tradit Lott. l. 1. q. 26. à n. 55. ex dicta descriptione in libris Camere optimè inferri ad hanc qualitatem consistorialitatis, & eam qualitatem per provisionem extra consistorium factam non mutare Papam; cū nihil sit, quin beneficium, quod semper fuit consistoriale, Papa possit pro libitu, conferre extra consistorium.

*Quæstio 286. An resignari possit beneficium parochiale?*

R espondeo affirmativè: Paris. l. 2. q. 1. n. 104. idem esse dicens à n. 107. de beneficio seu Ecclesiæ aliâ curatâ. Verumtamen spectat consuetudine Curia Romana, quam alios Ordinarios imitari deceret, non recipi, nisi parochus aliquot, saitem 3, vel 4. annis, Ecclesiam possederit, tradit Laym. ad cit. c. Admonet. de renunc. n. 3. Idem tradit Corrad. in pr. benefic. l. 5. c. 1. à n. 11. Garc. p. 11. c. 3. à n. 45. ubi: hodie in Curia non admittuntur absolutè & indistinctè resignations parochialium & aliorum beneficiorum personalem residentiam requirentium, præsertim cum pensione; nam quoties resignatur parochialis, vel aliud tale residentialia, dataria vult, ut exprimatur, per quod tempus illud possederit resignans, seu quo tempore illud obtinuerit; & si tempus est breve, resignatio rejicitur. Eadem habet Paris. l. 3. q. 2. n. 21. quibus limitat conclusionem à se formataam & fusè stabilitam ibidem n. 8. nimirum quod is, qui adeptus Parochiam seu curatam Ecclesiam, ex quo tenetur facere promoveri intra annum ad sacerdotium, alias beneficium vacat ipso jure, possit illud etiam in fine anni alteri resignare in favorem. Porro idem esse in permutationibus hujusmodi beneficiorum parochialium & residentialium ex dicto stylo Dataria, qui coepit à tempore Gregor. XIV. ait Garc. loc. cit. n. 46. & 47. apud quem etiam à n. 51. vide, quæ differentia inter expressionem, quod quis possedit per tantum tempus, & quod quis obtinet beneficium à tanto tempore, dum vult, prius importare, quod illud possederit saltem de facto, & sic cum titulo vel sine titulo; posteriori verò importare, quod à tanto tempore haberetus in illo, vel illud de facto possedit. Addit quoque Laym. loc. cit. habendam in admissione talis resignationis Parochia rationem plebis, quid ei expediat. Plura de his, quæ pertinent ad praxin resignandi Parochiales, vide apud Corrad. pr. benef. l. 5. c. 1. à n. 13, quem utiliter leges. Vide etiam plura de permutatione beneficiorum curatorum infra.

*Quæstio 287. An Vicaria perpetua possit resignari?*

R espondeo affirmativè: Paris. l. 2. q. 1. n. 112. citans Put. decif. 384. l. 1. potest quoque permitti. Paris. ibid. n. 113. Cirans Gamm. inc. liter. n. 86. de rer. permitt. in 6. ac dicens esse communem.

*Quæstio 288. An portiones, etiam dimidia resignari possint?*

R espondeo affirmativè: veniunt enim utræque nomine beneficii. Paris. l. 2. q. 1. n. 116.

*Quæstio 289. An oratorium & eremitorium resignari possint?*

R espondet ad utrumque affirmativè: Paris. l. 2. q. 1. n. 120. & 122. quia utrumque est beneficium Eccles. pro primo citat Hojed. de incompat. in prefat. n. 7. pro secundo Nav. conf. 1. de religios. domib. Quæst.

\*\*\*\*\*

\*\*\*